



## Statuts

### I. Num e sedia

- Art. 1 Il Selvaclub Sagogn ei in'uniun tenor dretg svizzer ed ei suttamess agl art. 60 ff dil Cudisch civil svizzer CCS. El cumpeglia la regiun Sagogn e conturon, e la sedia ei Sagogn.
- Art. 2 Il Selvaclub Sagogn ei affiliaus cun tut ses commembers alla Federaziun da skis svizra (Swiss-Ski) ed alla Federaziun regiunala da skis e snowboard dil Grischun (SSGR).

### II. Intent e finamiras

- Art. 3 Il Selvaclub Sagogn ha igl intent da promover e tgirar il sport da cuorsa liunga. Speciala peisa dat el alla formaziun e promoziun dalla giuventetgna.

### III. Commembranza

- Art. 4 Il club cumpeglia suandonts commembers.
- a) **Commembers A** ein commembers che fan buca part ad in auter club da skis, respectiv ch'ei leu mo commembers C. **Commembers A** ein commembers dalla Swiss-Ski e dalla SSGR. Els ha il dretg da vuschar e d'eleger.
  - b) **Commembers B** corrispundan als commembers A, els giavischan denton negins organs da publicaziun dall'associaziun.
  - c) **Commembers C** ein mo commembers dil club, perquei ch'els ein gia commembers dalla Swiss-Ski e dalla SSGR entras in auter club da skis. Els ha il dretg da vuschar e d'eleger.
  - d) **Participonts da G+S (giuventetgna e sport)** separticipeschan als cuors da G+S. Els pagan negina contribuziun da commembers. Contribuziuns allas federaziuns surpren il club. Els han negin dretg da vuschar.
  - e) **Fauturs** ein personas naturalas ni giuridicas che sustegnan il club finanziamein.



- Art.5 **Recepziun da commembers dil club**  
Commembers dil Selvaclub Sagogn daventa mintgin che paga la contribuziun annuala.
- Art. 6 **Extrada**  
L'extrada succeda cun ina declaronza en scret per mauns dalla suprastonza sin la fin digl onn da gestiun.
- Art.7 **Exclusiun**  
Commembers che cunterfan als principis dil club san vegnir exclus dalla radunonza generala sin damonda dalla suprastonza. Sche la contribuziun annuala vegn dus onns in suenter l'auter buca pagada, vegn il commember exclus automaticamein.
- Art.8 **Contribuziun da commembers**  
Las contribuziuns annualas vegnan fixadas dalla radunonza generala. Ellas vegnan mintgamai incassadas igl atun pigl onn da gestiun current.
- Art. 9 **Responsabilidad**  
Per las obligaziuns dall'uniun garantescha mo la facultad dall'uniun. Mintga responsabilidad persunala ed obligaziun da far in pagament supplementar per las obligaziuns dall'uniun che survargan la contribuziun annuala ei esclusa.

#### IV. Organs

- Art. 10 **Ils organs** dil Selvaclub Sagogn ein
- a) la radunonza generala (RG)
  - b) la suprasonza
  - c) ils revisurs da quen e gestiun
- Art. 11 **La radunonza generala** ei igl organ suprem dil Selvaclub Sagogn. Ella ha liug annualmein, per regla igl atun. L'invitaziun cun la gliesta da tractandas succeda sil pli tard duas jamnas avon il datum dalla RG entras publicaziun el «Fegl uffical Surselva». Commembers d'ordeifer (q.v.d. commembers che habiteschan ordeifer il circuit da distribuziun dil Fegl uffical) retscheivan in'invitaziun persunala. La RG vegn menada dil president.

- Art. 12 La RG concluda davart suandontas fatschentas.
- eleger la suprastanza ed ils revisurs
  - approbar il rapport annual dalla suprastanza, il quen annual, il preventiv sco era il rapport dils revisurs
  - dar la descharscha
  - fixar las contribuziuns annualas
  - tractar las fatschentas tenor la gliesta da tractandas
  - decider davart propostas da commembers ch'ei vegnidas inoltradas silmeins tschun dis avon la RG en scret al president.
- Art. 13 Mintga RG ch'ei vegnida convocada conform agl uorden ei cumpetenta da decider.
- Tier elecziuns e votaziuns vala il pli relativ dallas vuschs valeivlas. Tier egualitad dallas vuschs dat il president la vusch da tagl. Elecziuns e votaziuns succedan cun maun pli, nun ch'ei vegni pretendiu e concludiu dalla RG ina votaziun cun scrutini.
- Art. 14 Ina RG extraordinaria sa vegnir convocada dalla suprastanza. Entras ina damonda en scret da silmeins in tschunavel dils commembers cun dretg da vuschar vegn la suprastanza obligada da convocar ina RG extraordinaria.
- Art. 15 La **suprastanza** dil Selvaclub Sagogn consista ord silmeins tschun commembers cun las suandontas funcziuns:
- president
  - actuar (vice-president)
  - chef tecnica
  - cassier
  - chef G+S
- Il president ed ils commembers dalla suprastanza vegnan elegi dalla RG per ina perioda d'uffeci da treis onns. La suprasonza seconstituescha sesezza. Tier elecziuns complementaras vegn il niev commember da suprastanza elegius pil rest dalla perioda d'uffeci ordinaria. Ina reelecziun ei pusseivla.



La suprastonza ei cumpetenta da decider sche silmeins quater commembers da supastonza ein presents. Tier egualitad dallas vuschs dat il president la vusch da tagl.

Art 16 La suprastonza ei responsabla per la direcziun dil Selvaclub Sagogn. Ella dispona sur da tuttas cumpetenzas da decider dil club ch'ei buca surdadas expressivamein ad in auter organ. Ella exequescha las fatschentas ordinarias dil club. La suprastonza representa il club anoviars. Ella segna entras la sutscriziun dil president e d'in auter commember dalla suprastonza.

Art 17 La suprastonza ei cumpetenta da decider sur d'expensas ch'ei ella rama dil preventiv ch'ei approbaus dalla RG. Obligaziuns che survargan la rama dil preventiv astga la suprastonza mo surprender cun in'approbaziun dalla RG. En cass urgents sa quei era succeder posteriuramein.

Art 18 **Ils dus revisurs da quen e gestiun** vegnan mintgamai elegi dalla RG per ina perioda d'uffeci da treis onns. Els san vegnir reelegi.

Ils revisurs han da controllar il quen dalla suprastonza ed il rapport per mauns dalla RG. Els fan in rapport per mauns dalla RG sur da lur controllas.

## V. Diversas

Art 19 Igl onn da gestiun dil Selvaclub Sagogn cuoza daven digl 1. d'october tochen ils 30 da settember.

Art 20 Ina midada da statuts san mo vegnir concludida dalla RG cun in pli da duas tiarzas dallas vuschs valeivlas.

## VI. Dissoluziun

Art 21 Ina dissoluziun dil Selvaclub Sagogn succeda sin la via da midada da statuts. Schi ditg che diesch commembers cun dretg da vuschar sedeclaran d'esser promts da cuntinuar cun il club sa il Selvaclub Sagogn buca vegnir dissolvius. Enc ass d'ina dissoluziun decida la radunonza



sunter haver pagau tut las obligaziuns sur dil diever dalla facultad dall'unìun.

Quests statuts ein vegni approvai alla radunonza generala dil Selvaclub Sagogn dils 12.10.2001. Ells ein vegni approvai igl 1. da matg 2001 entras il presidi dalla «Federaziun da skis svizra» (Swiss Ski).

7152 Sagogn, 12. October 2001

**Selvaclub Sagogn**

President:

Actuara:

Luis Poltéra

Karin Candrian